

滿船

十萬山

明饒秉鑑

十萬山連十萬重重重疊自無窮根盤千里
封疆外勢插九天雲漢中宿霧收殘呈秀色白
雲飛盡見奇峯交南城郭元相近疑有夷人此
避戎

渡海安

唐沈佺期

嘗聞交趾郡南與貫胸連四氣分寒少三光置
日偏尉佗曾馭國翁仲久游泉邑屋遺甿在魚

鹽舊產傳楚人遙捧翟漢將下看鷺北斗崇山
掛南風漲海牽別離頻破月容鬢驟催年昆弟
推由命妻孥割付緣夢來覓尚擾愁委病空纏
虛道崩城淚明心不應天

卽事

宋陶弼知州

使君合浦來示我海濱石千巖秀掌中大者不
盈尺

題水港營

明陳周來知縣

寂寞荒村萬里程斜陽衰草對孤營東風不解

遊人意遠近啼鶯三兩聲

丹竹營

明陳治道合浦知縣

夜靜山營月正高角聲吹動海門濤鳳凰無數
驚飛去滿眼丹岡落翠毛

仙人橋

明胡鰲知府阮陵人進士

馳驅春日道徙倚水雲邊野酌真堪賞山花亦
自妍石橋分合處仙跡古今天感慨傷前事兵

戈說昔年

獨鎮嶺

明張士純僉事

鎮嶺巒嵯峨虹飛百丈遙捫蘿登絕巘孤嘯逼
丹霄灑灑凌雲思翛翛出世標徘徊天路迥笙
鶴坐相邀

孟太守祠

明甘澤副使

爲官合浦去還珠萬古流芳天地間富貴心輕
猶敵屣貞廉名重並高山來時嶺外神明懼去
日轍前父老攀自是仁民恩到骨至今祠屋祀
天南

饒秉鑑知府

當代臨民日賢聲世共傳化行千里郡珠返九
重淵祠古人猶仰庭空雀自喧撢衣重瞻拜懷
感思悠然

三賢祠

明陳漸

寂寂孤城春草叢山深歲晚思何窮時臨否極
鳴朝鳳地盡南荒伏應龍從古忠言能賈禍何
人直節敢謀躬所嗟故國皆禾黍祠宇依然落
照中

亦知骨鯁難和俗不向權門覓要津薄海一塵

知帝力高風千古動儒紳尊堯集上心逾赤元
祐碑成道益貧何似新州蔡光祿荒途烟雨唾
行人

視師欽靈

明張國經參議

霜前嚴出汎緩轡半從征竟日稀村落荒山少
稻秔搗衣雞唱夜投驛角吹更一陣潮喧耳應

知近海城

鎧甲銀光耀水犀列鼓旂天遙窮地紀露重入
秋木傍蔭荆班饁眠孤虎闖扉登高頻指點帝

德廣無違

地控安南徼城當百粵前霜鋒銛劍佩月影上
弓弦潦積途多涉潮還海似遷無從徵宿將談
笑靖蠻煙

三山亭

宋陶弼知州

諸峯不及此三峯翠影當年路未通野老傳來
無地主神仙畱待與山翁碉弓射滅虎狼跡長
劍剪開荆棘叢吏引旌旗先阻險匠營樓閣出
虛空藤蘿葉茂初無日松桂枝新漸有風下瀨

將軍微舉幟安南都護遠輸忠商誇合浦珠胎
賤民樂占城稻穀豐火炬影沉山岝北潮聲流
過舊城東四時屐印來無定終日樽開望不窮
王版淡魚千片白金膏鹹蟹一圍紅雲臺志節
悲歌外銅柱封疆醉眼中所惜溪頭好厓石只
書詩句不書功

望安南海口

陶弼

喜逢晴日破陰霾望極西南瘴海涯彝狄古今
常反覆朝廷終始務綏懷何時良將收銅柱不

日屏王棄橐街惆悵藤橋兵死鬼年年沙上哭

墳骸

望海嶺

陶弼

望海樓高目力寬海潮來處是天根日邊市舶
程途遠水外亭臺景象昏巨鰐出時多患害大
鵬當此各飛翻將軍有意還銅柱俯首南溟氣
欲吞

東湖

陶弼

寧越佳山水東湖帶郡城月天高寺影春雨小

橋聲石上青蒲合沙中百鳥橫使君時獨往潮

載酒船行

南湖

陶弼

寧越佳山水南湖水淺清暗泉通古廟涼氣入
軍城有禁魚常樂無機鳥不驚遠藩舸舶至海

角暮潮平

中湖

陶弼

寧越佳山水中湖稱賞心環流隨郡塹倒影動
禪林夏簟一般冷春餅相對深使君少仁智賴